

## **Эрүүл мэндийг дэмжих сангийн хөрөнгөөр санхүүжүүлэх төслийн саналыг хүлээн авах тухай**

**Гарчиг:** Эрүүл мэндийг дэмжих сангийн хөрөнгөөр санхүүжүүлэх төслийн 2023 оны дөрөвдүгээр улирлын сонгон шалгаруулалтад урьж байна.

Эрүүл мэндийг дэмжих сан нь Монгол Улсын Засгийн газрын тусгай сангийн тухай хуульд заасны дагуу эрүүл мэндийн мэдээлэл, сургалт, сурталчилгаа, ухуулга нөлөөлөл, тандалтын ажлыг зохион байгуулахад дэмжлэг үзүүлдэг.

Монгол Улсын Засгийн газрын 2020 оны 37 дугаар тогтоол, 2021 оны 323 дугаар тогтоолыг тус тус үндэслэн Эрүүл мэндийг дэмжих сангийн хөрөнгөөр санхүүжүүлэх төслийн 2023 оны дөрөвдүгээр улирлын төслийн сонгон шалгаруулалтад оролцохыг урьж байна. Сонгон шалгаруулалтад оролцох төслийн бичиг баримтыг **2023 оны 10 дугаар сарын 09-ний өдрөөс 2023 оны 10 дугаар сарын 23-ны өдрийн 17.30 цаг хүртэл хугацаанд** Эрүүл мэндийн яаманд хүлээн авна.

Төслийн санал ирүүлэхэд дараах шаардлагыг хангасан байна. Үүнд:

- Төслийн санал ирүүлэх аж ахуйн нэгж байгууллагын үйл ажиллагааны чиглэл нь эрүүл мэндийг дэмжих сангийн зорилгод нийцсэн, тусгай зөвшөөрлийн гэрчилгээний хуулбар (улсын бүртгэлийн гэрчилгээ) хавсаргасан байх;
- Төсөл хэрэгжүүлэгч нь банк, санхүүгийн байгууллагад хугацаа хэтэрсэн зээлийн үлдэгдэл, өр төлбөргүй болохыг нотлох баримт хавсаргасан байх;
- Тухайн төсөл, арга хэмжээг гүйцэтгэх хүний нөөцтэй байх;

Төслийн зорилго, зорилт нь Төрөөс эрүүл мэндийн талаар баримтлах бодлого болон Засгийн газрын үйл ажиллагааны хөтөлбөрт нийгмийн эрүүл мэндийн чиглэлээр тусгасан зорилтод нийцсэн байна. Төслийт Засгийн газрын тусгай сангийн тухай хуулийн 19.3 дахь хэсэгт заасан дараах чиглэлийн дагуу боловсруулна. Үүнд:

- Халдварт бус өвчинөөс урьдчилан сэргийлэх;
- Халдварт өвчинөөс урьдчилан сэргийлэх;
- Орчны эрүүл мэндийг хамгаалах;
- Осол, гэмтлээс урьдчилан сэргийлэх, эрүүл аюулгүй амьдралын орчныг бүрдүүлэх;
- Сэтгэцийн эрүүл мэндийг хамгаалах, архи тамхи мансууруулах бодисын хорт нөлөөллөөс сэргийлэх;
- Эмийн зохистой хэрэглээг сурталчлан таниулах;
- Эмнэлгийн мэргэжилтний ёс зүй, эрүүл мэндийн байгууллагын ил тод байдал, хариуцлагыг дээшлүүлэх.

### **2. Төсөлд тавигдах шаардлага:**

1. Төслийн хэрэгжүүлэх үйл ажиллагаа, хүрэх үр дүн нь төслийн зорилго, зорилттой бүрэн нийцсэн;
2. Хэрэгжих боломжтой, үр дүнгийн урьдчилсан төсөөлөлтэй;
3. Санхүүгийн тооцоололтой;
4. Төслийн маягтыг зааврын дагуу бүрэн бөглөсөн;
5. Эрүүл мэндийг дэмжих сангийн хөрөнгөөр төсөл хэрэгжүүлж байсан туршлагатай бол гэрээгээр хүлээсэн үүргээ биелүүлсэн тухай нотлох баримтыг хавсаргах;

### **3. Хэрэгжүүлэх хугацаа:**

Төслийг 3 сарын хугацаанд хэрэгжүүлэхээр тооцож боловсруулна.

**4. Сангийн хөрөнгөөр санхүүжүүлэхгүй зүйлс:**

Аливаа татаас, урамшуулал, тусламж болон барилга байгууламж барих, түрээсийн зардал, тавилга, тоног төхөөрөмж, бараа бүтээгдэхүүн худалдан авах зардлыг санхүүжүүлэхгүй.

**5. Хавсаргасан маягтын дагуу төслийн саналыг бичсэн байх.**

- 1 хувийг хэвлэмэл /цаасан/ байдлаар заасан хугацаанд
- тухайн байгууллагын албан хүсэлтийн хамт ирүүлнэ.
- хугацаа хоцорсон тохиолдолд хүлээн авахгүй.

**6. Сонгон шалгаруулалтын хариуг мэдэгдэх:** Сонгон шалгаруулалтад тэнцээгүй төслийн баримт бичгийг буцаан олгохгүй ба хариу хүргүүлэхгүй болно. Шалгарсан төслийн хэрэгжүүлэгч байгууллагатай холбоо барьж, гэрээ хийнэ.

**Лавлах утас: (51)263925**